

兩  
浙  
金  
石  
志

兩浙金石志卷五

揚州阮元編錄

宋天台般若新寺轉塔記

按越都圖經□古碑云 梁朝岳陽王者是昭明太子第三子卽梁蕭譽是第二生梁王是也於赤城山頂造轉塔三所中有如來舍利四十九顆其塔至唐會昌五年乙丑歲七月勅廢至咸通六年乙酉歲僧宗立并居士倪求徐師約與衆信士同修一所至八年丁亥歲七月辦畢星霜綿遠其塔輒石隳墮爰至顯德七年庚申載般若寺沙門德韶重建造纔啓舊輒石感雷電風雨驚衆現如來身光項佩毫光光中又現阿育王寶塔塔中亦放五色祥光遂

獲舍利四十九粒迎歸紫凝山香花 饌并衆僧各燃  
頂臂種種供養遂累甃石僧俗雲芄逾一祀圓就再安  
舍利二十八顆前後可三十餘瑞現光與前無異畱舍利  
二十一顆散安東都府內并應天寺甃塔中吳武丘寺甃  
塔國清寺甃塔東塲中興寺甃塔各一顆當寺二塔盡是  
□□拾□□□金親造各安舍利三顆上贊皇王帝業□  
□□□□樂康云耳 辛酉歲大□建隆二年十一月十  
日

右碑文正書十六行在天台縣按許詢蕭啓事見唐  
人詩詠者有邱丹詩車騎歸蕭啓雲林識許生綦母  
潛詩雁塔酬前願王身更得來之句宋沈仁衷撰感

應塔記許詢捨第宅兩區建迦藍二所其一則營于  
鏡水號曰祇洹其一則立彼蕭山目之崇化是並在  
蕭山嘉泰會稽志亦然此記引舊圖經應在北宋已  
前不知何籍抑造塔者多援此事以誇靈異耶德韶  
處州龍泉人陳氏子年十五出家叅白眼禪師白眼  
曰汝向後當爲國師致祖道光天台大遊智者遺  
蹤有若舊居復與同姓時謂智者後身錢忠懿王延  
請問道伸弟子之禮求智者教于新羅國開寶四年  
華頂峯摧星殞于上集衆踟蹰而逝

宋梵天寺經幢二

大佛頂陀羅尼經

左幢

經文正書俱不錄

大隨求卽得大自在陀羅尼神尼經 右幢

建幢記

竊以奉空王之大教尊阿育之靈蹤崇雁塔於九層衛鴻  
圖於萬祀梵刹旣當於圓就寶幢是鎮於方隅遂命選以  
工人鑿於巨石琢鞭來之堅固狀涌出之規儀玉削霜標  
花雕八面勒佛頂隨求之加句爲塵籠沙界之良因所願  
家國恆康封疆永肅祖世俱乘於多福宗親常沐於慈恩  
職掌官寮中外寧吉仍將福祉遍及幽明凡在有情希沾  
妙喜 乾德三年乙丑歲六月庚子朔十五日甲寅日立  
天下大元帥吳越國王錢俶建 上俱行書

右在梵天寺門東西各一按西湖遊覽志寺爲乾德

中吳越王建治平中改今額東坡朱子皆有詩詠幢  
卽立于建寺時吳越尙未納土故與奉先二幢皆書  
天下大元帥而去尊號已久故仍書中原乾德也

宋雲林寺經塔二

大佛頂陀羅尼

經文不錄

左幢

隨求卽得大自在陀羅尼呪

右幢

新建佛國寶幢願文

二幢同

蓋聞慧炬西然法雲東被眷言興建寶煥簡編我國家裂

壤受封帶河礪岳旣勤

右幢作觀

王而繼世諒荷寵以乘時言

念真宗聿懷多福於是旁搜勝景廣闢宏規築湖畔之山  
堙構城西之佛閣莫不遐森杞梓妙選梗栴營峯漢之基

垌列倚天之像設釋迦化主中尊而高儼睟容慈氏彌陀

分坐而淨標妙相仍於寶地對樹法幢雕琢琅玕磨礱琬

右幢落此二字琰勒隨求之梵語刊佛頂之秘文直指丹青雙分

八面伏願興隆霸祚延遠洪源受靈右幢誤雲貺於右幢落此二字祖

先助福禧於攸同悠久軍民輯睦疆場肅寧宗族以之咸康

官寮以之共治四十八願永符法處之良因八十種好右幢落此四字

更倍曇摩之圓智得大堅固不可稱量凡在舍生同

躋覺路 天下大元帥吳越國王建西湖志衍錢俶二字時大宋

開寶二年己巳歲閏五月日二幢並同正書靈隱寺住持傳法

慧明禪師延珊于景祐二年十一月內移奉先廢寺基上

石幢東西二所歸寺前添換重建止四年四月十日畢工

謹題誌耳

在右幢上正書

右在雲林寺門東西各一雲林寺始晉咸和元年慧  
理葛洪榜曰絕勝覺場唐會昌時廢西湖志謂吳越  
錢氏命僧延壽開拓建經幢于寺門左右按幢後題  
字乃景祐二年延珊于廢奉先寺移歸奉先寺不知  
在何處據文有云築湖畔之山堦構城西之佛閣必  
在臨湖諸嶺而非今地明矣西湖志謂延壽建于寺  
門左右未讀此記也

宋郝濬等霞隱題名

太平興國三年戊寅十二月二日內供奉郝濬與知府正  
郎範轉運使副劉杜巡檢大保翟□戶部判官杜通理孟



同至此

右在靈隱青林洞摩崖正書八行字徑一寸餘知府  
正郎范者按咸淳臨安志太平興國三年五月丙戌  
以考功郎中范旻權知兩浙諸州事初旻自淮南歸  
朝上將用爲翰林學士盧多遜言杭州初復非旻不  
可泊上乃謂旻曰卿且爲朕行卽當召卿矣旻字貴  
參大名宗城人見宋史本傳

宋王昭等靈隱題名

太平興國三年十二月四日與節推王昭遠錢塘尉閻吉  
殿前承旨程□□記

右在靈隱飛來峯摩崖正書四行字徑一寸餘縣尉

閩古舊志俱未載

宋劉觀察判官靈隱題名

太平興國四年正月三日觀察判官劉與諸官員遊此

右正書三行字徑一寸摩崖

宋維恩天竺靈隱二寺遊記

□神宋咸平貳禩月屆夾鍾蕤生五菜有內殿崇班瑯邪  
守後自彤庭奉命于浙協體量民物察俗之暇□□□時  
禁閣門祇候杭郡都監西河維恩觀覽天竺靈隱二寺凡  
奧勝驚□□□遊仍脩流觴曲水之□□日躋攀與事而  
□因刊石□識歲華 講僧自因書

右在飛來峯摩崖正書十二行

宋查仲道等靈隱題名

江右查仲道錢唐周世科

右在青林洞摩崖正書二行字徑四寸此題無年月  
按崇寧元年查應辰等續題名有後百有四年之語  
此刻當在咸平二年故列于此舊志列四人有西蜀  
曹山閩人孔庭訓細詳石刻非一時書而曹孔明人  
俱載杭郡志中今特正之杭府志又載查仲道字文  
夫寧州人嘉靖二年任杭州知府抑姓氏偶同歟

宋遇明禪院碑

大宋台州永安縣遇明禪院碑銘并序

開元寺重脩二蓮社沙門願鴻撰門弟子講經律

表白僧慧月書并篆額

聖上御極之六載 大禮奉于南郊

皇靈闡於區

外光昭

乃祖化被萬方其仁如天其智如神醴泉

朱草金牛玉馬其皆不取但小大之政不失其職斯所以  
爲天下瑞故 勛華之風可以平揖絲是 垂衣端拱功  
成不伐唯善其脩以及四海是歲

詔下有司乃曰

朕聞道釋之教歷代致奉元資大

此可福黔黎遂

勅下以戒錄廣度則知

聖心無爲而無所不爲矣

下民被其化皆能有志是用獻贊

我后之鴻祚也或鷺池仙苑金刹柰宮其在必曾永安遇

明院者卽

梁朝西仁寺也居州之西北七十里天

監二年奉

勅之所建也地分牛宿境占神臯前枕

寒谿後連翠竇桃源天姥頂湖括蒼烟霞一開遠近如畫  
項斯之宅可尋也麻姑之峯可登也甘露絕名又何讓也  
泊元帥王之有國因改西仁爲遇明厥後納版圖于  
朝斯院則闕乎能者而董正之太平興國六祀邑人

八保戶人繫狀於縣以命沙門文遂而主

之師端靜淳素抗節有聞奉道之餘植福多勇咸平癸卯  
歲鼎新紺宇事從典制義取規舊非務華好飾之越度也  
雲廊月殿像閣經齋方丈法堂三門庫院罔不備焉信士  
濟南承皓贊以成之遂師復置東臯南畝以實常住延

浮杯之侶待挂錫之賓曉月開經香分玉篆秋林出定苔  
封石牀瑞鹿眠口幽禽背雪陶彭澤若聞應到賈長沙如  
在合來澗雲起而野色侵燈山雨至而松風入檻誰言諸  
子不解髻珠斯所以克荷真宗越揚大教俾法流慈澤永  
潤枯根冀簷蔔優曇長敷後葉銘曰

大宋撫運承宗紹祖昭格仁孝光業文武

其一

富壽蒼生

基本皇極乃廣法教爰奉道釋

其二

民祝于天載薦鹿園

遇明昔者西仁寺焉

其三

紺宇凌雲禪宮聳日立雪傳衣

昇堂入室

其四

平接寒谿高連邃谷晴霞忽開翠屏滿目

其五功之匪騫利其斯久資國與民天地不朽

其六

時景德二年歲次乙巳七月十有五  
日汝南周同勾

當建立 清河張祚鐫字

右碑篆額八字文正書二十三行行三十六字在仙居縣今爲三學寺願鴻文頗新穎所謂前枕寒谿後連翠竇曉月開經秋林出定澗雲起而野色侵燈山雨至而松風入檻竭盡瞿曇幽寂之致洪筠軒云赤城志巾子山巔有息庵元祐中僧願鴻所棲今廢

宋張文昌等靈隱題名

皇宋景德三年正月二十二日前錢唐知縣光祿寺丞張文昌前越州蕭山尉郝知白吳山□□□羽人馮德之餘杭山人盛升同遊謝太守翻經遺跡刊石立記

右在翻經臺摩崖正書六行字徑一寸張文昌郝知

白舊志皆不載此題重刻梅違黃安仁同遊七大字

于上

宋張文昌等題名

景德三年仲春月口日光祿口丞前知錢唐縣張文昌仁  
和縣尉口從諫越州蕭山尉郝知白吳山寓居羽人馮德  
之餘杭山人盛升同遊于此故題記耳

右摩崖正書三行行字不等字徑一寸餘

宋修宣陽宮大殿碑

重修宣陽宮大殿記

上缺

方內者也 夫嗟鳳鳥不至歎龍吾不知鼠壤餘疎

非成象

至道適傳尹闢用

下缺

宣陽宮者有唐越



國公葉法善之故居也公凝神旦宅豐味道腴目轉方瞳

口含慈寶下缺遊鴻臚命卿旋聞受署然藏山尚淺露

徒深御風而行不聞列寇之來復騎月而往應下缺仙去

而雲蜺絕音堂留而金石交響光儀憑物妙域存神失其

交臂不停飛薨旋壞瓦落下缺乾符中道士丁存古天機

務深谷神善答故能指通三部檄召五星泊謁精廬早摧

陽下缺護於鬼神豈無他人里尚多於豪俊於是務

邦民之廩給進大匠以財成柱壯十圍例支玉下缺咸鏤

文楣此禽不疑於雲構吳宮過旋綴於春泥

邇巢寇犯關吳民入堡及下缺河分疆雖鐵幕爭雄而

銅盤共歎王姬館雖容外築公池未免郊迎奈何西土

興獨迎

下缺

衍正講涅槃玉清雖在於人間金鼓但鳴

於夢側恭惟

皇宋弔伐之後

富庶之來

下缺

孔修五兵不鑄則斯宮也葉堂彌古真龍不來才師云歸

夜鶴空怨苔泐

禾黍之佳

下缺

間不見神仙之

謬謬進士祝顒者雅亮天骨素乘日車自戴纒垂纓目覽

口誦動能問禮居

下缺

日之不

適三

而變緩州郡徒

仲於辟命枋榆自得於逍遙然常投袂故宮披襟福地因

謂物不

下缺

道由人行其如塵

靈旛漏摧虛室適爲敗

類焉能集仙但當考事以命

何必張

而告衆因百

下

缺

二十萬然後 丘園之舊德詢鄉黨之通儒人有切於

宿心事無勞於彌口旣而厚幣

匝均

下缺

使山棗畢更

璇題盡改雖柱石求舊而櫺檻惟新莫不再染丹楹薦糊

頰基去白地棟摩赤霄不

下缺

青甍絕塵未明而翠瓦

生日兼儲侍醮器裝嚴從官惣計錢五十萬自祥符初命

事至庚戌歲畢工

下缺

新王正一見閏月非專剗劂是貴

因蓋使擊鍾者通財扛鼎者陳力運斤成風者則墨鼓

策播

下缺

晨是以往不妄來至無虛反噫天下能事世生

哲人棟橈之凶丁師修之於昔梁木其壞祝侯理

下缺

不

然則鸞鳳之響沈天希夷之道墜地又何以壯域中之大

符物外之遊者哉

室

下缺

沒之利繫表所蘊考非八卦

之父體中又佳起作一禽之戲永懷鐫石遽託含毫

下缺

文仲義將操直筆預禁橫流是宜彰往以考來安用譽堯

而非桀聊書歲月祇俟清下缺祝酈男弼初同下缺道衆

鮑用居蔣道下缺

右碑篆額八字文二十二行正書在宣平縣按葉法善所居不一皆有遺跡麗水則少微山妙真觀松陽則卯山永寧觀宣平則沖真觀皆云捨宅爲之此宣陽或卽沖真而今不傳法善墓在宣平則宣陽爲舊宅無疑文叙乾符道士丁存古有大匠財成語應是再修宋進士祝酈用錢五十萬自祥符初越庚戌凡三年而畢工是爲三修故後總有丁師祝侯諸語云云似是住持道士所作石已斷泐讀之知其大概若此

宋雲巖寺新鑄銅鐘記碑

大宋台州 勅賜雲巖寺新鑄銅鐘記

前饒州軍事推官承奉郎試大理評事

仕郎台州臨海縣主簿張周甫

上缺  
文於下缺

分職於鳧氏自官懸而下得以叅諸樂

容也今下缺

東北下缺

雲

而遠

回而淵右挾赤城

蒼下缺  
七日

唐會昌五年廢之咸通元年十一月

下缺

計五百閒附如來而

者僅八十

下缺

季有建州

山釋曰顓下缺

如來之居則旦暮

擊下缺

是

之釋

者曰道

下缺

四年冬

下缺

氣上爾乃寫金液

下

其撞大震初

下缺

日而扣之期百千萬日而傳之自一

下缺鐘也 可得而 乎則蓋嘗聞 下缺三十

四天王 共 又 名 揚 下缺品論 有

如 乃 闍婆所 又 名 下缺形之異聲之盛日月

星辰山河 諸天上下咸所聞 下缺以金剛杵擊之而

振彼百億或 而 見則為 龍王 下缺巖之為院

鐘之為器如 樓之所 邪

古 缺 上 見命 實無

愧時大中祥符五年四月八日建

上缺員外郎知軍州兼管內勸農事借緋章得象西頭供

奉官兵馬監押兼在城 下缺朝奉郎守 贊善大夫通

判軍州兼管內勸農事武騎尉借緋劉有方軍事判官將

仕郎試秘書省校書

下缺

朝奉郎

承知臨海縣事

騎都尉李經儒林郎守錄事參軍兼糧料院

下缺

碑陰

四衆捨錢

上缺

六十 下缺

勅 福院僧德成施錢三十貫資薦先師

下缺

弟子盧安盧從逸

下缺

師 下缺

釣

考 七

郎某

下缺

寧

縣演法院僧文廣文湛

共施錢

貫

胡宗

胡宗晟張

下缺

僧

下缺

施二十貫

下缺

薦先

陳

七娘崇福院僧智聰慶

各施錢一貫陳從朗陳從實陳

下缺

奉

三有施錢一十貫興福院僧德 一貫

聰二貫道

道芳道

奚延實毛仁會

下缺

在堂母親張

十一娘道遂道 道祥各施五百文葛居及 下缺 考妣黃

郎陳氏十娘僧 文啓 常 鑒 文 行

周 暉 下缺 各施錢五貫文惠 保昌守 辯通

道 陳 仁德 下缺 二十一郎陳二十三娘

已上各捨一貫丁 歸胡仁祚張 下缺 已上各捨二貫 下

缺 盧仁 盧仁祿盧 下缺 山景德國清 賜紫 下缺

八娘孔二娘 四娘 下缺 志 下缺 法 下缺 施 貫 下缺 已

上各捨錢一貫 下缺 已上各施一貫文 下缺 母親 楊六

下缺 仁 黃景韶姜德 林 德 下缺 德榮 仁 徐

寵寵丁承旭 下缺 文達 下缺 仁澤 下缺 三十貫 下缺 徐添

下缺 二十一貫 下缺 九娘胡五娘徐五娘 下缺 陳十一娘



娘徐二十五娘陳九娘下缺已上各施五百文下缺

陳十下缺黃四娘施五百文下缺各施下缺十一娘周

娘五娘應八娘十一娘下缺娘已上各下缺柳

仁贊趙從威胡彥章下缺已上各捨鏡一面盧

保下缺遇彥柳招王仁惠力張法

讓厲下缺智聚陳八娘方善戒

周王承福下缺陳善成俞延下缺鄭胎周仁照

子下缺

碑左側

當寺僧首盈去庚年募衆緣塑金剛二身不

裝彩至景德四年當寺僧道義繼仁發心募僧俗裝彩其

下缺

勾當僧道義施三貫文勾當僧繼仁施二貫文僧遇

堯

下缺

已上各施一貫僧道郁陳延朗尹惠管仁德盧仁

曾

下缺

張仁安趙承寶各施三百文高成友施 百文

碑右側

宛丘王遠 宿

右碑篆額八字文正書二十四行碑陰刻捨錢姓字

兩側亦有題字俱正書在臨海縣東鄉雲巖寺舊名

松山梁天監二年建宋大中祥符元年改今額章得

象字希言世居泉州徙浦城進士及第歷祥符四年

以員外郎知台州簡重有實政慶厯間拜平章事劉

有方乾興元年以虞部員外郎任李經祥符五年以

太常丞任

宋銅鐘銘

鐘銘并序

景德二年冬十月二十一日上□□重造明年春三月五日  
聖書下六月二十日鐘成寺僧奉忠系□□士  
劉成象蕝事縣令李曙監鑄貢吏周啓明作銘

皇宋景德三年夏暮承詔改命工按度器非□舊□□  
革故金火交□□電憑怒星辰用□□□入護泄若虹  
□□圓如鼎固瓦□韜聲□戶□先□咨爾主者□典其  
嗚呼

進士李瑛書

右銅鐘銘文正書十七行在松陽縣署東側按文此鐘奉勅所鑄並有寺僧等字當時必有勅監院宇文有闕字不能詳矣列名數人亦不見舊籍而銘詞止言鎔鑄並無祈福等語又似不爲瞿曇作者

宋真宗文宣王贊并加號詔碑

至聖文宣王贊并序

御製

若夫檢玉介丘迴輿闕里緬懷於

先聖躬謁於

嚴祠以爲易俗化民旣仰師於彝訓宗儒尊道宜益峻於徽章增薦崇名聿陳明祀思形容於盛德爰刻鏤於斯文

贊曰

立言不朽垂教無疆昭然今德偉哉素王人倫之表帝道之綱厥功實茂其用允臧升中旣畢盛典載揚洪名有赫懿範彌彰

右上列

加號詔

王者順考古道懋建大猷崇四術以化民昭宣教本總百王而致理丕變人文方啓迪於素風思肇揚於鴻烈先聖文宣王道膺上聖體自生知以天縱之多能實人倫之先覺立功侔於簡易景鑠配乎貞明惟列辟以尊崇爲億載之師表肆朕寡昧欽承命厯曷嘗不遵守彝訓保乂

中區屬以祇若 元符告成喬嶽觀風廣魯之地飾駕

墻躬謁遺祠緬懷遐躅仰明靈之如在肅尊獻以惟  
寅是用微簡策之文昭聰叡之德聿舉追崇之禮庶伸嚴  
奉之心備物典章垂之不朽誕告多士昭示朕懷宜追諡  
曰

至聖文宣王祝文特進署仍令所司擇日備禮冊命并修  
飾祠廟祭器其廟內制度或未合典禮並令改正給近便  
五戶以奉瑩城仍差官以太牢致祭故茲詔示想宜知悉  
右下列

大中祥符元年十月二十四日 東封禮畢十一月一日  
車駕幸曲阜縣謁奠 先聖文宣王命刑部尚書溫仲

舒等分奠七十二弟子先儒禮畢幸孔林是日 詔先聖  
加號 至聖文宣王 御製贊又 詔吏部尚書張齊賢  
等次日以太牢致祭 詔兗公顏子進封兗國公十哲閔  
子已下進封公曾子已下進封侯先儒左丘明已下進封  
伯五年八月二十二日奉 勅諸道州府軍監各於 至  
聖文宣王廟刻 御製贊并詔

右碑篆額十二字上層贊十三行下層加號詔十三  
行後另書刊石年月三行俱行書在紹興府學元案  
此詔當時諸學有之以曲阜孔廟本校之首題作闕  
筆元字最後又有添云十一月日奉勅改謚日至聖  
文宣王牒奉勅十九字此碑直作至字當在十一月

已後也

宋釋保珍築墻題記

大宋天禧四年庚申三月內築墻七十丈住持僧保珍記  
右摩崖正書四行字徑寸餘

宋潘夏題字

諸行無常是生滅瀟生滅滅已寂滅爲樂本有今無本無  
今有三世有瀟無有是處

皇宋天禧五年辛酉歲春二月口五日鐫築陽潘夏書

右摩崖正書四行行八字徑四寸欸字一行徑寸五  
分二本字皆書作本冲羽心印銘亦然

宋杭州放生池碑



杭州放生池記

朝奉大夫給事中知杭州軍州兼管內堤堰橋道勸農市舶使提舉杭蘇一路兵甲巡檢公事護軍太原縣開國男食邑三百戶賜紫金魚袋王隨撰宣德郎守大理寺丞監杭州清酒務吳遵路篆額錢塘僧思齊書

粵若星辰麗天斗宿分揚州之域江漢爲紀淪河控餘杭之地斯郡也民俗繁侈山水奇秀總軍戎之重乃東南之鉅屏無兵火之沴爲吳越之福壤羅城之西有湖曰錢塘或謂上湖亦云西湖寶刹相望綠岸百餘寺煙景可愛澄波三十里實二浙之佳致一方之上游也天禧三年秋七月相國太原公自巖廊之任膺麾符之寄坐召棠口敷化

訟息而刑清奉漢條以班春境肅而物泰未期月衆心熙熙然如登柱口之臺矣明年秋八月公祇奉詔召入覲象關澤國畱昔孺之頌當宁厚晝接之眷因上言是湖也最爲勝境俯瀕佛官居人蠱食盡取其中國家每以歲時祈乃民福星輶至止精設於蘭塲羽服陳儀恭投於龍簡願禁採捕仍以放生池名爲請皇帝仁及萬有惠濟羣品法神武之不殺守慈儉以爲寶奏牘誠激凝旒喜動濬發中旨普令茂育絲繭適降已改觀於方塘罔罟靡施免有歎於頽尾旣厚生生之樂永煥巍巍之業隨忝職瑣闥承乏方面獲覩善利思勒於金石媿無好辭聊紀於歲月者已時天禧五年三月二十七日記

朝奉郎行太常博士通判軍州兼管內隄堰橋道勸農同  
監市舶司事騎尉借緋林從周 承奉郎守大理寺丞知  
錢塘縣事楊告 文林郎守錢塘縣尉張仲顏 中散大  
夫行尚書都官員外郎通判軍州兼管內隄堰橋道勸農  
同監市舶司事上輕車都尉李□ 承奉郎試大理評事  
知觀察判官廳公事段少連 登仕郎試秘書省校書郎  
錢塘縣主簿李祺 兩浙路提點刑獄勸農副使左侍禁  
□閣門祇候王世文 左班殿直閣門祇候兵馬都監兼  
在城巡檢臧滬 觀察推官承奉郎試大理評事苗□  
兩浙路提點刑獄勸農使朝奉大夫行尚書度支員外郎  
護軍借紫朱□ 左班殿直閣門祇候杭蘇等八州軍都

檢使孫逢 節度推官文林郎試秘書省校書郎△□  
兩浙諸州水陸計度轉運使兼提點市舶司本路勸農  
使朝奉郎尚書度支員外郎上騎都尉賜緋魚袋借紫方  
仲荀 左班殿直閤門祗候兵馬都監兼在城巡檢韓允  
文 承奉郎試大理評事知節度掌書記□□ 兩浙諸  
州水陸計度轉運使兼提點市舶司本路勸農使朝奉大  
夫尚書工部郎中柱國賜紫金魚袋曹定 西染院副使  
駐泊兵馬都監同提舉杭蘇一路兵甲巡檢公事李昭度  
登仕郎守少府監丞知仁和縣事李□

右在西湖石塔頭碑文正書十四行行三十字字徑  
三寸前後題銜正書八行行字不等徑一寸餘舊在

德生堂今露立崖際按咸淳臨安志天禧四年王欽  
若奏請西湖爲放生池明年王隨紀其事又秩官表  
欽若以天禧三年六月甲午以尙書右僕射兼中書  
門下平章事除太子太保判杭州四年八月知相州  
九月己酉王隨自權知開封府爲給事中知杭州乾  
興元年二月戊辰隨授秘書少監知通州皆與碑合  
宋蓬萊觀陶真人碑

梁朝陶真人靈驗記

推忠協謀同德守正佐理功臣樞密使開府儀同三司  
行吏部尙書檢校太口中書門下平章事上柱國太  
原郡開國公食邑一萬七百戶食實封四千二百戶臣

王欽若

明州象山縣蓬萊觀陶貞白真人梁朝修藥之所自寫真

下一  
缺行

於東壁之上下缺一行祈請應効甚多有居人家在觀側素亦

下二  
缺行

敬每早朝下二缺常來往州中貨易三日五日一歸其

下三  
缺行

二日隨船下三缺。船勢飄蕩垂欲汨沒。此人志念

一日隨船下三缺□船勢飄蕩垂欲汨沒此人志念陶真

下四  
缺行

人應下缺  
士在黃庭  
上約風

100

五行  
下缺  
口口風口口口口口縣步口見道士狀  
六行  
下缺

七行下缺

五行上模  
糊下缺  
詳因書附

行

日汝南袁廣淵記 棲霞觀道士□□額

下十七行

將仕郎守明州象山縣尉兼主簿事鄭冀

將仕郎試秘書省校書郎守明州象山縣令□□□

下缺

嘉靖元年住持道士謝道禮道智道信德經德純德  
紹重立

右碑在象山縣蓬萊觀刻于貝靈該記之陰文二十  
行行下蝕不可數篆額三行六字按文大約言蓬萊  
觀爲梁陶貞白修藥舊館後人祠之有居人貨易蹈  
海遭風者念真人感神見空中後徵是于觀中必有  
報賽諸舉汝南袁廣淵記之而文泐者十之七八無  
攷矣棲霞道士下有額字當是書篆者年月已泐前  
有王欽若全銜一行知爲北宋刻抑欽若書之耶碑

後又有主簿縣令題名

宋胡承德靈隱造象題名

弟子胡承德伏爲四恩三有命石工鑄盧舍那佛會一十七身所期來往觀瞻同生淨土時大宋乾興□□四月日記

右在青林洞正書三行字徑一寸餘摩崖佛會一十七身一十七軀也

又胡承德并合家眷屬同發心刊下生彌勒尊佛親□三身記

右在飛來峯隸書四行字徑一寸餘摩崖此刻無年月按上二刻亦同時所作



宋陸慶靈隱造象題名

清信弟子陸慶并妻李氏一娘造觀世菩薩一尊乾興元年四月日記

右在射旭洞口摩崖行書三行字徑一寸文書觀世菩薩西湖志直作觀音字

宋阿育王石像寶塔題字

□□□台州臨海縣承恩 嶺外保菩薩下缺子朱 寶

下缺石 寶於天禧五年八月十二 同 家 下缺發志

心言 妻姚氏二娘造

阿育王石像寶塔一所今 下缺圓奉爲亡氏姚二娘解

生之寃結懺百世之 上報 恩下資 六道四

生 有

先亡孤

十方賢聖三界神祇亡

氏二娘願承普恩同生淨土永

供養尙皇宋乾興元年

上 壬戌 伍月十六日題記

男善悟善集道勝

女弟子慧

下缺

右題字正書十六行在臨海縣東鄉真如寺按寶塔

二所石砌分左右各三級四面左所中級刻四如來

像上級刻四阿育王像右所中級前三面刻如來像

後一面題記上級亦刻四阿育王像七如來像旁隱

隱有如來字

宋鐵佛寺造觀音像鐵盆銘

弟子王德言捨盆

都會首弟子徐謙男

都會首弟子朱

造像 願僧 鑒真

天聖三年歲次乙丑二月甲寅

右在湖州府治西鐵佛寺高六寸圍徑三尺許中貫  
鐵柱實之以土上承鐵觀音像四周以木自來無知  
之者近因雨淋版壞欵識全露周昉經中孚手拓之  
可知顯晦固有時也正書五行捨盆者王德言造像  
者僧鑒真按郡志謂宋乾興中僧鑒真鑄鐵觀音像  
不知實在天聖乙丑相距四年西吳里語懸擬爲唐

宋時物皆未見此刻也

宋昭慶寺夢筆橋碑

越州蕭山縣昭慶寺夢筆橋記

承奉郎守太常寺奉禮郎簽署蘇州觀察判官廳公事

葉清臣撰

昔者昭明綴集里巷開于東府子雲著書亭口榻乎西蜀  
席前修之能事崇近古之殊稱此賢者所以飛令聲布嘉  
躅也若夫經星著象牽牛列于關梁周官分職司險達于  
川澤觀天根而庀事聽輿謀而順圖此作者所以啓土功  
廣成務也其或流風可挹遂泯滅而無聞陳迹有基忽廢  
墜而不舉斯亦平津之館永歎於屈鼂宛丘之道深譏於

單子者已濶河之東偏會稽爲右郡伯禹啓書而興夏勾  
踐保楸而霸越青巖交映佳山水之秀奇茂林森蔚美竹  
箭之滋殖地方百里者八而蕭山居其一焉縣目伽藍者  
五而昭慶寺爲甲焉夢筆橋者乃直寺門絕河流而建之  
也初齊建元中左衛江公歸依法乘脫略塵境捨所居宅  
爲大福田則斯橋之興與寺偕始其賦名索義亦繇此物  
也自會昌流禍池臺起傾平之愴大中再造土木亟文繡  
之華唯造舟之制曠日不復物豈終否有時而傾天聖紀  
號之二年冬十有二月

隴西李君以廷尉評實宰是邑君明習吏事詳練理體牽  
絲公牒至必連最批御導歟居多餘地其始至也去害吏

撫察民激揚積弊懷振紘領越明年政以凝民用寧訟無  
畱牘漁不改夜於是以成法視文奏以暇刻起隳圯位署  
必葺邑居惟新一月周爰井疆鋪觀圖籍感釋子之能誌  
惜江氏之寢微且懼乎寒裳厲深爲斯民病漸帷涉難貽  
來者羞乃論居僧俾募信施其坐堂上之客必得邑中之  
豪寺僧智朋利真有邦德成有章自南同與是謀式幹斯  
盞三四佛之攸種咸植善根百千金之所直悉歸寶塔府  
帑不費里旅不煩山虞致木而叢倚郢人運斤而風集經  
始不日而功用有成晴虹倚空而半環浮檻跨波而欲渡  
雕楹轟而端聳鉤楯繚而橫絕肩摩鼓擊控夷路而下馳  
飛艍鳴榜貫清流而直逝以材之豐羨稽工之簡隙又作

駐楫亭于橋之北涘□乎兩漿足以憩行者之勤傳車一  
□可以勞□□之集是知創橋以表寺先賢之遺懿益光  
由亭而視橋□人之用心兼至建一物而二美具故君子  
謂 李君爲能若乃度羣迷超彼岸演竺乾之筏喻從善  
政均大惠易國僑之輶濟又豈止題柱伸馬卿之志墮履  
紀黃石之書臨清水以締材徒言呂毋架渭河而建利止  
號崔公而已哉 李君謂予春秋之流可謹歲月之實折  
簡馳問託辭傳信愧無馬遷之□敘聊傳丘明之新作云  
爾時

巨宋天聖四年春三月甲申日記

東越吳則之書并篆額

錢塘趙世明鐫

文林郎守縣尉兼主簿王式

朝奉郎行大理評事知縣事飛騎尉李宋卿

景祐五年冬十一月旣望承奉郎守大理寺丞知縣事苗振重立

右碑文二十二行正書在蕭山縣按嘉泰會稽志蕭山縣有江淹故宅今爲覺苑寺寺前有夢筆驛亦以文通得名讀此文知北宋已有是說毛奇齡蕭山縣志刊誤歷駁文通未嘗至越累千百言以爲江總捨宅爲寺是也通志從之李君以善政之暇繕寺築橋又有駐楫亭傳車之舉可謂惠而知政體克副清臣



之椽筆矣隴西李君卽後題名李宋卿也

宋靈隱寺中書門下牒碑

中書門下牒杭州靈隱山景德靈隱寺

闕行書大字一行

杭州靈隱山景德靈隱寺住持禪定大師延珊奏先

缺太

后聖旨宣賜庄田祝延今上皇帝聖壽今已五年累設過

齋僧粥食肆拾餘口兩宮聖壽其田土見今供納秋夏二

稅紬絹參拾肆

缺

壹正肆赤綿貳拾壹兩貳錢米共計柒

拾叁石柒

缺

係屬杭州秀州兩處鄉縣乞與放免上件稅

物取

闕

聖旨

小楷書七行

牒奉勅宜令逐州子細勘會如委實是宣賜到庄田據合  
納夏秋二稅並與放免卽不得將不係宣賜到田土內稅

物一例放免牒至准勅故牒

天聖八年十二月六日牒 工部侍郎叅知政事王押

給事中叅知政事薛押 給事中叅知政事陳押 吏部

侍郎平章事呂押 大字十五行行書中書門下之印三

右在雲林寺共二十三行按寺始晉咸和元年僧慧  
理創建葛洪榜曰絕勝覺場唐會昌時毀吳越時命  
僧延壽開拓宋景德四年賜額景德二字此天聖中  
延珊乞放免諸賦勅也碑係近時新刻僅存形似耳

宋天台山護國寺碑

天台山護國寺碑銘

□□□□□□□九年歲次□□七月□日書 監寺

僧口口口口立石

右碑篆額八字文行書三十四行剝蝕殆盡惟年月一行尙有數字可辨按舊志云中書平章錢惟演撰工部尙書李端懿書檢校司空鄂州刺史錢惟濟篆額天聖九年立今九年字尙存可證也

宋勅賜延豐院碑

台州臨海縣勅延豐院記

建安郡進士葉交撰 鄉貢進士呂育書并篆

昔者西域布敎中國圖形專清淨而悟羣生脩善慈而通萬物謂 相則不生不滅況視聽而若存若亡是以摩竭心 言之津洞啓毗邪杜口得意之路旁通沙 勿照

而鑒窮塵劫亡機而功濟自白馬流教鴻臚分庭比官寺  
以署榮梵僧而列第道文間出寶刹相望若夫秀靈  
場甲于大地惟丹丘之劇郡有延豐之精廬卽光啓三季  
沙門倬之所建也本額曰朝遷至乾祐二禩復改曰

厥初倬師持菩薩行參如來家起勇猛之心緣嘗精進  
於佛事夙成締構首暮焚脩爰叅以栽基遂斤林而運

棟容是設競集苾芻之流華宇方新盛立招提之聿  
告成功之俄傷歸寂之悲蓋太平興國之六季也有小  
師紹者抱道求仁持節操行嗣肯堂之名不墜繼爲箕  
之業無虧而幸國家偃四夷宅心三教謂戴禮昔嫌於  
訟襲比易自尙乎輝光祥符之初始改賜今額而師

能共億於僧坊 莊嚴於佛土 崇妙果人嚮信 欽承  
上善之緣特起中興之道況迫頽季之邁忽爲異物 遷  
迺 禧之元年也 道歡上人卽於是歲繼續 住持  
凡三代矣上人卽俸之孫暉之嗣也嘗嘆斯院季祀已遠  
棟宇將摧厯日月迴 之 傷風雨燥濕之患豈惟壇靜  
蕪密抑亦像設煙沈道隱可明木壞斯葺天聖四年乃與  
徒弟道宗道昌寶誠曰物盡終而必復事有廢以宜興不  
謀經始之功曷嗣紹隆之願將令革故俾克鼎新遂命工  
度材庀徒揆日重脩建佛殿及法堂懺堂方丈房廊屋宇  
凡六 餘間懿夫雕栱乘虛彤簷用壯飛甍之壓喬木  
彼奔星反井之開夏 制其流火烘璇題於旭日磨鉛砌

於佗 捐比室之千金靡傾中人之十產輪奐中度無  
僭上偏下之譏本末從宜 傷 害民之義能事畢矣善  
莫大焉上人欣勝槩有成嘆芳猷未紀願寫之琬琰有補  
將來觀傳之子孫以貽後代交 無用莊樸不才雖廁  
儒家之流昧達聖人之教受幸無取葢醬何辭幸肆薄夫  
之談聊塞開士之請時景祐元祀仲秋望日記 住持沙  
門道歡尊宿道臻徒弟寶章寶元寶希寶隨簡賢寶贊寶  
隆寶全簡 簡榮簡 同立石  
給事郎行臨海縣尉同權縣事錢振 儒林郎試祕書  
校書郎行臨海縣主簿權知縣事吳

右碑篆額六字文正書二十行在臨海縣南鄉延豐

院舊名朝遷唐光啓三年沙門俸師建祥符中改今  
額此碑述道歡上人與其徒脩繕寺葉交爲文以記  
之文極工整可傳

宋普光塔院碑

台州海門普光塔院記

儒林郎試秘書

行黃巖縣

劉 下缺

上缺 永寧 江合

極目 舍層峯疊巘相 下

缺 波故 下缺 巨舶高勁

族命 下缺 沉者 下缺 心

通 不可 人 耳目所接 乎 下缺 夕

水慎 下缺

里憫 下缺 惟清淨寶王 下缺 遺像之

沙之

泊釋迦 下缺 於高顯處

率 妙

皇

家大

於海下缺塔以鎮之且將資福于

良緒雲郡夫人

也居

詮聞下缺舍腴田三

分

聽上人以奉

為異物有紹誣者下

缺即山

勢勝益農畝以廣其飯革制寶坊增

飾像

福基以固法矩以嚴

下缺流輝載馳

將泐會

季

司衛君適由卿曹來握征

下缺思

彌至議者以為

夕拜興

之心而拯其橫

喪仁也

下缺詮身

為善信也善襲能成之

智也

司衛君體仁本義躬信尚

下缺

君子民之父母禮不云乎

一家仁一國興仁一家讓一國興讓

下缺

見之矣亦可有

知偉

下缺公

慕空諦在

下缺

民亦

雖



竺書依

下缺

得

於先之

下缺

用

書景祐三年

五月朔日記

上缺

羽篆額

下缺

盧

刊字

上缺

行

海縣主簿方安仁

上缺

州商稅務驍騎尉慎鎬立石

上缺

作佐郎知臨海縣事范

下缺

右碑篆額六字文正書二十行在臨海縣東南鄉崇

梵院此碑撰書姓名俱殘缺後有方安仁慎鎬范師

道立石等銜按赤城志崇梵院初號普光塔院又秩

官縣令表有范師道名洪筠軒云赤城志商稅務在

州南一里抵當庫不準務附焉

宋蔡襄徑山遊記

徑山遊記

記徑山之遊餘杭縣之北鄙直四十里有徑山在焉山有  
佛祠號曰承天祠有碑籀述載本初唐崔元翰之文歸登  
書之石今傳於時云始至山之陽東西之徑二登自其西  
壁絕襟繞轎行百休松檜交錯盤鬱蒙翳尋丈之間獨聞  
語聲躋稜層披翠蒨盡十里許下視來徑青虬蜿蜒搏巖  
騰霄且及其巔峽束洞隱幾不容竝行已而內括一區平  
盈坦壑四面五峯如掌豎指一峯南絕卓爲巨擘屋蓋高  
下在掌中矣庭間小井或云故龍湫也龍亡湫在歲率常  
一來雷雨暝噎而鄉人祠焉者憧憧然環山多桀木絲杉

翠檉千千萬萬若神官蒼士聯幢植葆駢隣倚徙沉毅而  
有待者導潘周舍鏘然璆然若鑾行珮趨而中節者由西  
峯之北數百步砢然鉅石屏張笏立上下左右可再十尺  
劃而三之若川字隸文曰碣石巖其傳甚神竝巖被谷修  
竹茂密嘗以契刀刻竹兩節間成景祐三年十二月十五  
日字云爾由東徑而往坎窞爲池游魚曠空其西經東折  
蹠南峯領脰之間平地祇然盈畝而半偃松一本其高丈  
其蔭四之橫柯不竦如芝孤生松下石泓激泉成沸甘白  
可愛卽之煮茶凡茶出北苑第品之無上者最難其水而  
此宜之偃松之南一目千里吳江之濤可挹越岫之桂可  
攀雲駁霜霰狀類互出若古圖畫鼎鑪斷裂無有邊幅而

隱顯之物尙可名指羣山屬聯呈露岡脊矯矯剪剪咸自  
意氣若小說百端欲聖智之亢而不知其下也臨觀久之  
魁博通幽之思生焉古人有言曰登高能賦可爲大夫旨  
乎哉予於斯見之矣曷止大夫之爲也大凡言之天隣地  
絕山回物靜在處神巧舉可人意雖窮冬閨寂未覩夫春  
葩之榮薰風之涼秋氣之清然取于予者猶在也旣歸無  
幾何而曩所厯者重鈎複結無一見焉追而言之若覺而  
言夢使人悄愴而不知其自也同游者建安黃城君度岳  
陽朱師德宗哲又君度之侄子常子美甥杜沂皆從游其  
前與謀而後以事已之者朱宗哲之兄師道希聖杜沂之  
父叔元君懿揭陽盧幾舉之三人莆陽蔡襄一與之善惜

乎不及俱也書所經見逞貽之人一通嘗刻竹兩節間之  
十字其游之年月日也

孔子登東山而小天下荀卿亦云不若登高而見博然則  
孔子荀卿之說豈徒夸偉觀而適細娛抑亦有足發於人  
者以其俯高則視廣達遠則思深高且遠聖人之道學其  
高者其視廣學其遠者其思深廣視而深思鮮弗克濟予  
觀蔡君謨記徑山之游圖畫于文物無遁者且謂古人有  
曰登高能賦可爲大夫旨乎哉吾於斯見之矣曷止大夫  
之爲也如是者又豈徒肆奇語巧筆于草樹烟雲之間哉  
誠取乎發之高遠如前之所陳也後之遊者蔑是之取而  
區區然虞顛隤而竭目力非予所敢知也後三日縣尉黃

瑛題其篇末時年希聖權令君謨從事中洛君懿尉漣水  
皆新署宗哲舉之皆名進士從遊三子皆幼書者杜叔元  
其尉漣水君懿也

首楞嚴云山河大地皆是妙明真心中所現物上而竺墳  
魯典下而稗官小說乃至口口家異道之書未有舍此所  
現而能鏗金鏘玉震耀古今者宋景祐問莆陽蔡君謨由  
觀文大學士出守杭城其記茲山崑石之奇峭水石之幽  
茂自謂若覺而言夢信不誣矣口口口口叔元嘗摩崖大  
書昭于當時苔埋蘚剝霜凍雨淋不二百年湯滅殆盡少  
林崧禪師易以木板刊之今亦日就圯腐耆宿惠洲出已  
資伐石重加雕鐫置之流上

下缺

所銘國一大覺之道之

德並行於天下後世可不遠且大哉後至元丙子良月吉日住山特賜惠文正辯佛日普照

下缺

右在餘杭縣徑山寺蔡文正書後文行書按是記杜叔元本摩刻于崖石崧禪師易以木惠洲復刊于石經三傳而僅存形似矣賴君謨文能發山川奧曠之致得以不泯所云承天祠者卽祥符賜額也所云茶出北苑最難其水者君謨精于茶著有茶錄也所云契刀刻竹兩節間者記年月之互文也舊志引是文餘杭多作臨安又節去小說百端十六字皆淺率之徒也末住山佛日普照下闕字蓋行端也行端臨海何氏子叅藏叟于徑山名聞京國特賜慧文正辯禪

師有旨設水陸齋于金山命師說法竣事入覲奏對  
稱旨加賜佛日普照元叟禪師凡三被金襴之賜云  
宋保安院界相碑

明州桃源保安院大界相碑

并序

月山沙門惟白撰

鄞水講僧如顯書

會稽講

僧知白篆額

僧之居曰寺曰招提曰道場曰精舍義加院廟林焉皆有  
以而名也西竺正曰僧伽藍摩秦言衆園蓋取佛弟子由  
中治行生藝道芽聖果如世園圃緇其服者皆聞之可謂  
盡知之乎必也將謀始焉耳始者易曰日月麗乎天草木  
麗乎地與夫僧依乎界類也象非乎天無以顯照明之大



形非平地無以著孽發之廣人非乎界無以昭成濟之美  
處有界衆法行矣受具焉僧種盛矣說恣焉聖法隆矣而  
僧知禁身口罔慝惟思無邪定生慧作佛道由茲矣三寶  
大位何患於喪乎成濟之美于以觀也如今之世知崇佛  
祠之益者愈繁其人啓誠旣壯而基構之廣曷止夫青屋  
盤取奕世惟厥千祀極蔓棟之壯肆般爾之妙盡金碧之  
飾與懸牖之彩竭十室之施纔一間之費劬劬然未有基  
而成者將比于紀世殆工告成旣壯且麗衆詫喧沸亦自  
曰能事畢矣有以結界爲語者艷然疾視之曰斯將闢某  
法將安某徒何結界爲於乎觀斯之爲意乃求福之下者  
未知亦有利之深者是能奮終身之志立爾許之事反不

能行一席之法圖百世之益孟子所謂吾力足以舉百鈞而不足以舉一羽然一羽之不舉以不用力焉余常欲一見于果能振斯法者迨今年秋八月廣德湖之陰保安院永豐上人汎舟來吾居禮容且愿乃曰其始學南山教者而其居卽顯德中錢氏億爲州日始建逮今幾乎百祀而地猶自然中間律法允無間矣某安然其閒非南山之徒與故常有意乎結界事且未果行將謀之必需于資耳遂累載躬丐焉今略足矣抑知公解毗尼者不亦終濟之象乎不及圖之後將噬臍固請行可乎余曰周孔二聖人作爲禮樂刪贊詩易非攝政返魯誰奉而行與是知建言立事在乎位也况釋氏子復爲衆人斯焉舉斯公曰聖人適

時無必也且商夏二后縱言而誰行者矧今世取人固以難矣位不位未可也何謂乎果能行聖人之道者余悉取焉公行道者請無以是銓愚曰公之用舍果是焉子雖不敏且敢然之公遂異日詔筵命知法者若干人以律準各作其法共結成之法同界焉說恣可知也食同界焉宿煮可知也况標相無濫宣秉有儀要期無口功流漢世錢氏益福來者受賜何可量也倚真綱既經法輪載脂安然于其間公何愧矣斯院焉平湖列岫奇遊者多之曷俟吾言也旣而準律榜示顯受口圖諸承因勒石焉白濫可篤命又俾爲序用示來者抑止議標相而已乎亦知斯利之厚矣而才識黝昧且敢依律直叙云

聖祖景祐五年龍集戊寅冬十月初一日記

大界相

從此院外東南角石標外竹籬內角旁籬  
隨屈曲西下至院外門東步柱巡柱內轉旁門東壁地伏  
裏楞北八至門東中柱巡柱內轉旁門口裏楞西下至門  
西中柱巡柱內轉旁門西壁地伏裏楞南出至門西步柱  
巡柱內轉旁籬西下至石標外竹籬內角從此旁籬北入  
至水滄門南柱巡柱口旁橫木裏棱北行至水門北柱巡  
柱內轉旁籬北入穿竹塹南籬過至石標南邊從此旁籬  
西下至西南角石標外竹籬內角從此旁籬隨屈曲北入  
至石 外竹籬內角旁籬東上至石標外竹籬內角從  
此旁籬北入至西北角石標外竹籬內角從此旁籬東上

至東北角石標外竹籬內角從此旁籬南出至 外行

籬內角旁籬隨屈曲東上至石標外竹籬內角從此旁籬  
南出還至院外東南角石標外竹籬內角此是大界相  
淨地處所 此伽藍內東厨屋二間齋堂三間并諸僧  
房小厨屋蔬園菓樹下並作淨地

住持僧義圓 耆宿僧鑒恩 勾當僧永豐 同

勾當僧義先 徒弟表章 表珍 表詮 芳贊 義

端 普隨 普言 普興 表華

管內副住止傳敎德偕闍梨秉大界羯磨 開元寺臨壇

首座傳律有倫闍梨秉淨地羯磨兼答法 祥符寺臨壇

傳敎則忠闍梨唱淨地處所 國寧寺臨壇傳律智圓闍

梨昌大界相 習南山教沙門惟白口口界羯磨

管內都僧正兼監壇選練講經論賜紫慎矜

管內副僧正長講天台經論法雲大師賜紫在中

管內僧判官知壇場功德事廣教大師賜紫道來

檀越

承澤立石

穎川陳說刻字

右碑篆額六字文二十七行正書在鄞縣按保安院

周顯德中錢億建在廣德湖之陰今府西南空相教

寺舊名四明保安院未知卽此寺否此景祐中僧永

豐乞惟白記界相文也界相卽地形變文觀後所書

可見惟白文頗矯健復據吾儒以爲說所謂辨材三

昧自然成文歟

宋司馬池等龍華寺題名

司馬池周駢錢聿石再寶陳嘉謨謝伯景馬元康同游此寺康定元年中秋廿四日元翼題

右在龍華寺後摩崖正書六行字徑三寸司馬池溫公父也字和中舉進士仁宗時以天章閣待制知河中府徙同州寶元二年八月丁丑自同州爲兵部郎中知杭州康定元年江鈞張從革爲兩浙轉運使惡池摭撫其事條奏之九月辛酉降知虢州是池任止年餘也

宋張若谷等南屏山題名

龍圖閣學士刑部侍郎知府事張若谷兩浙路體訪安撫

三司度支判官稅課轉運使司勳郎中張從革康定辛巳  
暮春二十三日游晏此山盡日而去

右在南屏山摩崖正書五行字徑二寸餘按宋史本  
傳若谷字德繇南劍沙縣人進士及第歷官至龍圖  
閣學士徙杭州會歲飢斥餘廩爲糜粥賑救之累官  
至尙書左丞咸淳臨安志若谷自知應天府爲龍圖  
閣直學士移知五月壬申徙知鄭州此題又書刑部  
侍郎皆可參考若谷在杭不及一年前任司馬池卽  
爲轉運使張從革所惡摺撫其事條奏之而去亦見

臨安志

宋張奎等靈隱題名



太常寺太祝張奎拱微太常寺太祝張觀經臣進士何文  
安肅之康定辛巳口夏十日同游謹記

右摩崖正書四行字徑三寸按職官分紀太常寺官  
屬有太祝實本之周禮也

宋鄭戩等南屏山題名

資政殿學士諫議大夫知軍州原武鄭戩天休轉運使尙  
書兵部員外郎隴西李定子山轉運使尙書口部員外郎  
東平呂覺秀民尙書祠部郎中集賢校理彭城錢仙芝綺  
翁著作佐郎館閣校勘莆陽蔡襄君謨慶厯元年辛巳十  
二月十日題

右在南屏山摩崖正書十一行字徑二寸西湖志芝

字誤作游按咸淳臨安志戡蘇州人慶厯元年以資政殿學士知西湖溉民田數百頃葑泥湮塞又爲豪族與僧寺規占甚多戡乃發屬縣丁數萬盡闢之民賴其利六月癸未除給事中知并州此題十二月猶在杭州觀咸淳志二年六月蔣堂方替任知戡逾年方去也

宋鄭民彝等南屏山題名

鄭民彝德常弟民口先覺民度仲詳陳浚口叔徐待用用之上官拯並濟黃應叔和慶厯二年壬午正月十九日游此

右在南屏山摩崖正書五行字徑一寸西湖志誤彝

爲瞻待爲代

宋蘇溫雅等南屏山題名

蘇溫雅舜欽楊混慶厯二年八月六日倩仲題

右在南屏山摩崖正書四行字徑四寸按宋史本傳  
舜欽字子美米芾書史云余收唐摹子敬帖後有倩  
仲跋黃庭堅題云尾題倩仲實子美此題名亦然  
宋道卿等功臣山題名

慶厯甲申三月己巳因謁淨土渙然遂過清師至此  
渙然惟岳姪□□□幾同來道卿題

右在臨安縣功臣山頂龍頭石摩崖正書五行字徑  
三寸左行左邊有續題兩行字徑一寸淨土寺在縣

南二里梁乾化間吳越王捨基所建

宋李公謹等靈隱題名

李公謹唐卿楊洎損之慶厯六年七月十二日來

右在飛來峯頂正書四行字徑二寸

宋瑤華洞題字

瑤華洞

皇祐元年己丑九日提點兩浙刑獄

左邊

守尙書度支員

外郎蘇舜元立石

右邊

右在石龍院摩崖正書三字徑六寸欸字正書分列

字徑一寸

宋朱寯等修路題字

定明口修造東廊了 錢塘縣安吉管三大戶朱宥口奉  
引山路與了

皇祐元年六月日三大戶朱宥趙口楊口

右摩崖正書八行字徑二寸餘似爲工匠所鑿頗雄  
渾饒古意

宋資瑞院殘碑

上缺 臨海縣資瑞院記

尙書都官員外郎王舉善篆

天台東掖山沙門釋

本如撰

上缺 東南隅不遠百里鄉曰于公里名纂化資瑞院在焉  
面離背坎主阜按溪霞 下缺 於清世是宜蘭若實號羅摩

唐元和六年歲次辛卯沙門重濟矢謀大壯僮庇

下缺德

改元甲辰歲其徒繼者乃營大厦爲先崇釋尊殿焉大中

祥符九年塑像

下缺

庫鍾臺甲戌造浴室乙亥立懺堂

戊子造僧堂三門地藏羅漢各宅位矣始元

下缺

立舍七

十間用財百餘萬尸者靡常年月浸潤有徒子良奉興文

監嗣而居

下缺

受菩薩戒者郭文同出已財仍勵鄉黨

宣力畢葺汲汲於是無閒寒暑備

下缺

育也聲金奏警迷

蟄也樵兒牧童猶革視聽況愷悌君子乎一旦落成稽首

下缺

示來者子曰汝曹施則施矣勤則勤矣所志何哉對

曰霸也愚懵

嘗

下缺

詳焉知所但慶爲太平之民

發于衷誠所志者三偃風化戴

上缺

從佛囑也三奉家訓嗣父道也雖居塵濁常讀大乘

仍期安養作終歸

下缺

拜

盼善導子應曰夫人者處三

才之中協五行之秀異飛走遠夷狄

下缺

知矣母戚所志

不可弭忘噫天池印容梵鑑詳業秋毫必狀

不

下缺

卽贊明備之運者果如鄭氏之用心亦足通物漸聖賢之

化何患餘慶弗

下缺

附于碑陰時大宋皇祐二年五月十

一日記 丹丘楊鴻舉書

上缺

備庫使資州刺史同管句

會靈觀公事李瑞慤

立

下缺

碑陰

上缺

捨三門一合

堂育

四片

承達捨亮

四片

娘捨僧堂門一合

尹祐合家捨二貫文

并妻朱大娘合家捨二貫

并妻蔣大娘合家捨

二貫

并妻尹十娘合家捨二貫

并妻項五

娘合家捨二貫

紹并妻潘十七娘合家捨二貫

并妻彭七娘合家捨二貫五百

彥暉并妻胡一娘合

家捨二貫文

文諒并妻劉三十九娘捨二貫文

助公

并妻張

娘捨錢二貫文杜滿

并妻潘十娘捨錢二貫

文

兒并妻胡三娘捨錢二貫文何仁

并妻郭四娘

捨錢二貫文

文簡并妻婁

娘捨二貫文

文爽并妻

許十娘捨二貫文方承禮并闔家捨錢二貫文

并



合家等捨錢二貫文

并合家捨一貫五百文釘

并合家捨一貫五百文

捨一貫一

百文竹

裕并合家捨錢一貫二百文

徐彩并妻

三娘捨一貫文

承稔并母親

四娘捨

錢一貫文金承

并妻呂十八娘捨錢一貫文

允思并

妻郭十七娘捨一貫文

并妻劉六娘捨錢一貫文

陳文眞并妻杜十二娘捨錢一貫文周

邵并妻洪七娘

捨錢一貫文朱承滿并妻毛二娘捨錢一貫文朱承德并

妻林三娘捨錢一貫文葉承允并妻朱大娘捨錢一貫文

繆七娘爲自身捨錢一貫文文惠并妻郭十九娘捨一

貫文僧占并妻方十娘捨一貫文杜小元并親張

娘捨一貫文黃承福并妻金六娘捨一貫文洪承逸并合家等捨錢一貫文蔣承滿并妻婁八娘捨錢一貫文蔣承旺并妻郭八娘捨錢一貫文文雅并妻陳十娘捨錢一貫陳文并妻朱十一娘捨錢一貫文玄弟子陸十四娘捨錢一貫文女弟子蔣大娘捨錢一貫文黃文昇并妻潘七娘捨七百文釘婁仁鐸并妻陳大娘捨錢七百文婁仁照仁貴仁幹共捨錢六百文

小疏頭首弟子 承 等并 下缺 承 郭承智朱仁紹

婁仁照張思貴陳 下缺 又 等各募施主具名下項呂四

娘 下缺 文皎 彥忠 彥昌 彥石婁仁罕婁 下缺 江廷

逸江廷襲 奇 西兒林進婁 下缺 潘承拱江文惠江

文貴江文德羅旺兒下缺洪仁安林鳳兒劉文真朱仁貴

陳哥下缺德徐立詹陳周承蘊兒下缺姚三娘陳

六娘何念八娘陳八娘杜怜兒下缺文俊文郭贈兒

娘郭已兒下缺已上各拾錢五百文林仁下缺郭號

朱仁襲周承贊仁罕周公下缺駱文襲胡八娘已上各

捨錢四百文周仁下缺王添兒呂伴叔蔣承福劉文德求

下缺婁仁惠婁仁襲婁仁贊洪伴僧蔣下缺兒杜六兒洪

僧壽袁僧鈴蔣下缺潘延贊文皓林文惠劉文昱張下

缺周承祿姚忽兒林文榮金就下缺已上各捨錢三百文

下缺婁文遂婁彥安洪仁爽朱兒洪周兒下缺林承

文興黃智羅伯洪文訓下缺胡得蔣杲蔣延

陳仁福袁

兒

下缺

厲大娘

林

張仁貴林伴叔

下缺

贊蔣承

陳連哥王保

下缺

姜大娘永憲已上各捨

錢二百文

右碑上下殘闕文正書十八行陰刻捨錢姓氏在臨  
海縣東鄉廣福院按赤城志秩官縣令表康定二年  
王舉善任台郡志王舉善以太常博士任後轉秘書  
監又人物門釋本如四明人住白蓮院號神照大師  
趙清獻公爲作行業碑台郡志林姓四明人卒之日  
梁木盡壞體聞異香

宋定山風洞口題字

雲泉靈洞

皇祐庚寅元居中篆院僧忠信命蔡才刊院僧惠口立

右在定山風水洞摩崖篆書二行字徑三尺元居中  
見熙寧己酉祖無擇等題名咸淳臨安志洞極大流  
水不竭頂上又有一洞立夏清風自生立秋則止西  
湖游覽志舊名恩德洞上洞清風下洞流水不涸按  
白居易詩序云同游恩德寺之泉洞竹石藉甚久矣  
云云知自唐已稱勝地也

宋小隱山題名

遊小隱山叙

越城之西南有所謂王氏山園者人以爲一境勝 太守  
楊紘曰彼可遊焉一日攜賓佐 輕 月走平 四五里

而至 其門如樓閣之在煙雲中入其堂登其亭廓然如  
形骸之出塵世外 山 碧繚繞四注皆可襟迎而神

揖奇葩珍樹暎帶滿前公奮曰吾來越舊矣未有如今日  
勝且快者使呼其主而詰之曰山名謂何對曰有而月  
名也亭有名乎則曰 愚敢以名爲 公使呼以來因  
命其山曰小隱山堂亦因山之名堂之東榮俯檻西窺者  
曰瑟瑟也出堂而登 數級乃過勝爽亭自亭過而至其  
最上者曰湖光亭 山而西達於山足曰翠麓亭由忘歸  
至翠麓曰探幽徑曰擷芳徑曰捫蘿磴曰百花頂皆因其  
所遇而得之心焉已而至於山外有池池心有亭曰鑑中  
亭轉而通於始至之門 亦有池有亭曰倒影亭凡一

景一趣無不爲之稱 且曰今而後吾當數至此也因命  
通判軍州事錢公輔書以 諸石噫人生百載塵 榮利  
淫惑病憂紛紛而汨之幾日而如此樂幾何而如此勝耶  
予弗書不口與是遊者都官員外郎江鉞節度推官袁嗣  
降觀察推官王仲衍前進士王 朱方凡六人皇祐三年  
春二月二十八日叙

右題名正書十三行在山陰縣東門外十里侯山上  
按小隱山今名侯山以晉孔愉封侯故名水經注云  
山孤立長湖中晉車騎將軍孔敬康少時遁世棲迹  
此山孔靈符會稽記孔愉爲會稽內史在郡三年乃  
營山陰湖南侯山下爲宅居之是侯山之名最古讀

此文知宋又名小隱山也楊紘字望之浦城人錢公輔字公倚武進人並皇祐三年任

宋浦延熙等南屏山題名

宋皇祐辛卯歲季秋旣望浦延熙李喬游南屏山題記

右在南屏山摩崖隸書三行字徑三寸

宋刻心印銘

心印銘

唐翰林學士兼太子侍讀史館修撰守右補闕梁肅作

浩浩羣生或動或靜或幽或明旁魄六合運用五行莫不因其心而寓其形波流火馳出入如機如環無端莫知其歸或細不可視或大不可圍日月至明或以爲昏秋毫至



微或以爲繁或囊包天地或渴飲四海舒卷變化惟心所  
在天壽得喪惟心所宰心遷境遷心廣境廣物無定心心  
無定像明則有天人幽則有鬼神若樂相紛如絲之棼有  
無云云不可勝言抑末也已本則不然惟本之爲體寂兮  
浩兮不可道兮顯矣默矣不可測矣統萬有於纖芥視億  
載于屈指外而不入內而不出不闔不闢不虛不實無感  
不應無應不神在天而天在人而人常存而未始或存常  
昏而未嘗不昏豈惟我然蓋無物不然豈惟我得蓋無物  
不得混而爲一莫覩其極故曰心生法生心滅法滅離一  
切相則名諸佛 錢唐講律僧冲羽書 陶翼并男拱鐫  
字 大宋皇祐癸巳歲七月草堂僧慎微糾同志刊于石

龍院之崖

右在慈雲嶺舊石龍院石壁內摩崖正書十四行行二十四字字徑二寸梁補闕文潔淨精微頗稱西來的嗣大書深刻宜矣冲羽書亦錚錚自喜可與思齊放生碑頡頏皆出自顏柳者可證北宋僧統正脉不似南渡後爭看花棒鼓矣

宋陳述古等大滌洞題名

癸巳夏述古來 陳良孫張璠遊

右在餘杭縣大滌洞口摩崖正書二行字徑三寸餘左行兩傍又有陳良孫張璠續題正書二行分列字徑二寸按述古字行之陳堯佐子也仁宗寶元二年

官尚書金部員外郎弟求古字師之官殿省丞子知  
素官濟源尉皆見述古濟源廟題名歐陽公撰堯佐  
神道碑以述古求古爲堯佐子宋史以述古爲堯咨  
子與博古同附堯咨傳後誤矣厲樊榭詩微明秉燭  
觸暗壁古靈題字來尋看又誤此述古爲陳襄蓋陳  
襄字述古此名述古字行之也陳良孫南渠人道號  
寢虛先生童年得道隱居吳山喜天柱山水與幽人  
韻士往來其閒事載洞霄圖志張璠字全翁安陸人  
見東坡諸題名癸巳仁宗皇祐之五年也

宋陳求古等題名

陳求古同弟襲古象古男知本遊洞夫外生范子明書丙

申三月二十日

右在大滌洞內摩崖正書三行字徑二寸餘陳求古  
有永嘉縣積穀山飛霞洞口至和二年六月題名曾  
任永嘉守也按丙申應是仁宗致和三年九月改嘉  
祐洞霄圖志續作嘉祐丙申誤外生應是外甥別體  
字

宋陳襲古題名

陳襲古丙申三月二十日遊

右在大滌洞內摩崖正書三行字徑一寸

宋普照等碑

處州麗水縣勅賜普照寺記

沙門普祥述并書 當寺沙門居遜篆額

踰郡城之東北隅一百二十里有精藍曰普照焉卽巨唐  
會昌六年檀越戎公緒祝太平剏建底爲植福之所始勝  
曰福田至 皇宋垂衣之化祥符元年 勅爲今額肇自  
住持五房尸掌三綱主寺自遐及邇匪怠無荒職非幹蠱  
代有英賢先德釋道勤於咸通十年糾檀越 公緒造鐘  
臺一所光啓二年有 信瓶水浮屠一座釋全祐於宋端  
拱二年率籲衆緣葺故鼎新建寶殿一所聖像七軀祥符  
二年釋全超募緣樹三門一座追塑二聖天禧五年釋喜  
簾傾說淨之資創浴室一座釋子忠居誓於天聖四年召  
庶緣興庫院一所居誓於慶厯三年蠲衣鉢之外葺故造

彌陀寶殿洎塑佛像七身其間凡構僧舍前後僅二百楹  
悉已完具於是大廈既作百堵皆成繡薨藻梲鴛瓦文棖  
飾若翬勢如翼峩峩梵宇峻拔寒空璨璨金容光舒清夜  
其唯勝若噫諸先德高躅雖往奇迹依然德音藹乎一時  
盛績薰乎千古俾居者視履考祥景行奚能過矣茲寺也  
宅遠林垌散居美壤門流一澗溪聲而今古無渝檻對千  
山翠色以寒溫不變物儀淳朴固巋混成清慮虛閑渺淵  
凝寂游者蛻解羽翰處者紋成印懷然苾芻所舍本堅家  
間樹下迺有風雨之暴故設棟宇之待亦非華麗宏壯其  
居今既宗佛法厥宇得不宏麗哉俾其庶物咸附洞死生  
證常樂利之博矣夫捨家人悟妙圓覺爲大伽藍庸智籠

於法植福契於心不召而速不言而信若如是厥處宏麗之宇迪世何損焉奚僭焉苟不然者可宜悲化寺有徒弟曰蘊思上人衆之喉舌寺之紀綱睹于寶殿糝漆萎堪瓦板墳隳普賢迦葉隱壁菩薩謂代浸遠彩塑亦摧遂于英信再葺良緣可謂薦巢招提重光像運吾道詎委地哉復諭詣耆德雖圖能事尙闕紀文後昆旣紊其誠先覺亦傾其緒予辱承厚命妄撫任詞聊以補於將來免湮乎厥歎而已矣時聖宋至和二年太歲乙未十一月幾望日記當寺尊宿沙門慶榮蘊仁招慶居勝寺主沙門喜從知浴沙門遇乘施石當寺尊宿城下管內都僧正兼依監檀長講經律論沙門德宣立石東嘉洪慧刊

右碑篆額四字文行書二十二行在宣平縣西北一里普照寺按寺建于唐會昌六年戎緒初名福田祥符間賜額普照文中厯敘修緝之人皆釋子自唐光啓至宋慶厯凡六傳而蘊思終之有云處者紋成印懷卽如來胸中梵文唐苑咸詩蓮花卅字總由天是也

宋薛之彥題名

縣令薛之彥口田至此宋嘉祐四年口口八月題

右碑正書四行行五字在仙居縣舊志職官表薛之彥嘉祐四年任

宋沈遼等靈隱題名



癸卯重午口王伯虎來二弟邀迢偕行沈遼題

右在青林洞摩崖正書四行字徑一寸按沈遼字叔達錢塘人癸卯爲仁宗嘉祐八年此在宋史本傳所載監杭州軍資庫轉運使之前題名同日凡二處以後山題名證之知伯虎字炳之邀字善述迢字素道當時有三沈之目宋史僅列遼迢而遺邀迢惟王安石石樂安郡君翟氏墓志載沈扶之男邁迢遼邀迢爲尤詳也史言遼以文章歌詩唱酬蘇黃間不知其尤工八法蘇東坡謂其學家傳師樓鑰謂其妙于楷隸諸書備古今體落筆輒爲人爭取今遺刻僅存無有過而詢之者矣

睿達善述素道與炳之來癸卯重午

右在靈隱後山摩崖正書二行字徑一寸餘說見前刻以同日所題故變文書字以備叅攷

宋韓希祖題名

韓口希祖嘉祐八年首夏廿七日同邵熙載遊大滌

右在大滌洞內摩崖正書三行字徑二寸

宋孔文仲等題名

富咸文之口口抑之被府命按視邑事邵舜臣熙載攝口  
完次孔文仲口甫餘杭口邂逅宿於洞霄質明遊雲口口  
時嘉祐癸卯口月十三日

右在餘杭縣大滌洞內摩崖正書十行字徑四寸陳

求古題名之下孔文仲字經父臨江新喻人嘉祐六年進士熙寧間任餘杭尉

宋沈紳題名

嘉祐歲除戊申罷官員外詔沈紳公儀遊洞天巖

熙寧丁巳季□五□□□□□□□

右題名八分書三行行七字後年月三行行六字在仙居縣洞天巖按紹郡志有宋贈少師諡文肅沈紳墓在會稽雲門山引沈氏家譜云紳字公垂宋寶元元年進士此題則字公儀公垂唐李紳字也又紹興府學進士題名碑寶元元年呂溱勝載之

宋仁宗飛白書石刻

天下昇平四民清 慶厯八年四月二十八日

右在仁和儒學飛白七字橫列字徑四寸餘萬厯杭州府志云天下昇平四民清七飛白字石刻宋仁宗御書按右有璽一惟御字可識中有慶厯題年知爲仁宗書前有正書皇三十九四字楊一清遷石經碑記石經道統贊聖賢像之外有表忠觀諸碑十有四此刻并沙雁一石應在其中

宋太學御書石刻

暮口沙上雁海門斜去兩三行

右在仁和儒學草書六行十二字徑四寸餘極肥滿前有皇二十三四字此刻無題識未知何帝書

宋衆樂亭詩刻

衆樂亭詩

衆樂亭居南湖之中南湖又居城之中望之真方丈瀛洲  
焉以其近而易至四時勝賞得以與民共之民之口者環  
觀無窮而終日不厭孟子曰獨樂與衆樂孰樂不若與衆  
衆樂之名於是乎書旣又爲詩以記真景之萬一云

武進錢公輔

誰把江湖付此翁江湖更在廣城中葺成世界三千景占  
得鵬天九萬風宴豆四時誼晝鼓游人兩岸跨長虹他年  
若數東南勝須作蓬邱第一宮

勢壓平湖四面佳好風明月是生涯鯨鯢背上浮三島菡

舊香中報兩衙屏列已疑雲母淨簾垂不待水精奢此心  
會笑元丞相終日樓臺爲一家

臨川王安石

使君幕府開東部名高海曲人知慕  
艤船談笑政卽成洗滌山川作佳趣  
平泉浩浩銀河注想見明星弄機杼  
載沙築成天上路投虹爲橋取孤嶼  
掃除荆棘水中央碧瓦朱甍隨指顧  
春風滿城金板觴來看置酒新亭上  
百女吹笙綵鳳悲一夫伐鼓靈鼉壯  
安期羨門相與游方丈蓬萊不更求  
酒酣忽跨鯨魚去陳迹空令此地畱

涑水司馬光

橫橋通廢島華宇出荒榛風月逢知己  
湖山得主人使君

如獨樂衆庶必深嘆何以知家給笙歌滿水濱

安陸鄭解

使君何所樂樂在南湖濱有亭若孤鯨覆以青玉鱗四面  
擁荷花花氣搖紅雲使君來游攜芳樽兩邊佳客坐翠茵  
鄴江鮮魚甲如銀玉盤千里紫絲蓴金壺行酒雙美人小  
履輕裾不動塵壯年行樂須及辰高談大笑畱青春游人  
來看使君游芙蓉爲幟木蘭舟橫簫短笛悲晚景畫簾繡  
幕翻中流貪歡尋勝意不盡相招却渡白蘋洲日落使君  
扶醉歸遊人散後水烟霏紫鱗跳復戲白鳥落還飛豈獨  
樂斯民魚鳥亦忘機使君今作螭頭臣游人依舊歲時新  
空餘華榜照湖水更作佳篇誇北人

丹陽邵必

海邊民物鮮歡娛太守經營與衆俱  
園圃新陰多杞柳池塘生意足魚蒲  
長空不礙高飛鵠淺水兼容短脰鳧  
此樂有誰知我趣歸來紅旆日西晡

城外千帆海舶風城中居市苦憧憧  
幾生佳景爲民老一日賢侯與我同  
道上槐陰連帶翠水邊人面照花紅  
寄言樂有時還盡徒見甘棠憶召公

渤海吳中復

賢侯新葺水雲鄉虛閣崢嶸綠渺茫  
波面長橋步明月人家疎樹帶殘陽  
風中白鳥侵烟去雨後紅蕖擁袖香  
從此郡圖添故事歲時遺愛似甘棠



烟波空濶岸低回草綠花紅處處堆一片湖光分島澈四  
邊山色八樓臺從前未有吾民樂此地欣逢刺史來目斷  
鄞江何日到京師只得畫圖開

建安吳充

使君新自四明歸邀我同爲衆樂詩山川可愛惜不見晝  
想夕思心爲罷恍然神遇若有得齋身乃在天之涯漲海  
連空四無岸天吳却坐鮫人觀以手揮弄日月丹能令桑  
田變海邊偶到山城中山城二月多春風牛羊閒暇  
夕陽晚樓閣參差朝露濃一泓山溜佛頭綠環似翠屏屏  
六曲人烟擾擾事嬉游落花啼鳥更汀洲中爲臺榭闢十  
一有藻井排丈楸旁人指點此何許云是四明行樂處

此樂爲民非爲身始是集賢錢使君使君風韻誰之比政  
事次公詩短李醉憑熊軾勸耕疇狂取螺杯翻舞袂儂愛  
使君君勿歸詔書奪之知何爲聞侍玉皇香案側玉堂深  
阻無消息意迷却悟坐空齋忽省君詩昨日來疊紙爲君  
書所見不知衆樂誠然哉

建康馬浩

嘗聞衆樂亭未見衆樂景今蒙貺新詩若得暫觀省萬象  
□□□孤風□筆騁丹青慙近□□□□頃因識□□  
□□□□□□□□□□歡衆庶競無俾□□□  
□□□□□此而推□□況乎□□□□□□□百草  
□花勝吾將□□□□□□□南益柔四明舊說

南湖好□□□□□□□建旗□□□□□千里山川

下缺

右詩刻五列俱正書下二列剝蝕無存在鄞縣賀秘  
監祠按衆樂亭一名衆樂堂在府治西南月湖中宋  
舒亶月湖記湖中有橋二天禧中直館李侯夷庚之  
所建也嘉祐中錢侯君倚始作而新之橋之東西有  
廊廊之中有亭曰衆樂其深廣幾十丈其前後有廡  
其左右有室而又環亭以爲島嶼植花木于是遂爲  
州人勝賞之地此亭之大槩也後廢爲四明驛碑後  
剝落年月無攷公輔知明州在仁宗時而鄭獬詩有  
使君今作螭頭臣吳充詩有使君新自四明歸邀我  
同爲衆樂詩馬浩詩有嘗聞衆樂亭未見衆樂景諸

諸句而安石令鄴復不同時是皆追和之作而補刻  
不知何時也諸賢事蹟並見宋史馬浩之下有益柔  
二字錢官詹謂是王益柔舊志止錄前三人詩鄭獬  
已下皆不載或未見此刻也

宋常樂院勅牒碑

中書門下

牒明州

明州奏准明堂赦未有名額寺院乞賜名額伏候

勅旨上山院宜賜常樂院

牒奉

勅如前宜令本州翻錄勅黃降付□□□來□□□□□  
之名額牒至准牒

治平元年二月

戶部侍郎參知政事趙

戶部侍郎參知政事歐陽修

中書侍郎兼吏部尚書平章事曾公亮

門下侍郎兼兵部尚書平章事韓琦

右碑篆額三字文行書十二行在鄞縣常樂院此勅  
以韓歐諸公爲少見賜額之舉濫觴于此時也

宋李谷靈隱題名

治平甲辰五月七日趙郡李谷容之遊男侑奉命謹題

右在飛來峯頂正書三行字徑一寸

宋空相院勅牒碑

勅賜空相院額

中書門下牒明州

明州奏准明堂赦保明到下口宮觀院等未有勅額乞賜  
勅額候勅旨口口小溪保安院宜賜空相院係鄞縣  
牒奉勅如前宜令本州飭錄勅黃降付口口宮觀院等依今  
來勅命所定名額牒至准勅故牒

治平二年八月二日

吏部侍郎參知政事趙

吏部侍郎參知政事歐陽

中書侍郎兼戶部尚書平章事曾

使

帖小溪保安院口口准勅如右

曹級劉口王口觀察勾押口宜口口口自官都勾押官郭

口口孔目官夏侯口

右口如前事須讞黃帖保安院

勅命指口宜賜空相院名額

治平二年七月 七日帖

崇寧二年八月上吉日住持沙門道成正 觀察推官曹

口 權節度推官石口

尚書虞部員外郎簽書節度判官權通判事錢

尚書職方員外郎通判口州事口

下缺

右碑題額六字上下兩列俱十四行正書在鄧縣空

相院在府西南七十里舊名四明保安院晉開運二年建宋治平二年賜額卽此敕也今名空相敎寺

兩浙金石志卷五 南海縣知縣卽補同知錢塘章 挺刊

臨海洪瞻墉校